

Ա. Ի. ԱՐԵՎԻԿՅԱՆ

## Ո Ղ Մ Ի Բ Ա Ր Բ Ա Խ Ը

(Չևաբանություն, գոյական, ածական, բովական)

Ողմի բարբառի ձևաբանական կառուցվածքը շատ ուշագրավ է: Այն շրջման եզրեր ունի Վանի, Շատախի և Մոկսի բարբառների բերականական կառուցվածքի հետ, բայց և զգալիորեն տարբերվում է իր բազմաթիվ յուրահատկություններով: Հենց այդ տարբերություններն էլ նկատի ունենալով, հայ բարբառագետներից պրոֆ. Ա. Ղարիբյանը և գոց. Ա. Գրիգորյանը Ողմի «լեզուն» դիտում են իբրև առանձին բարբառ<sup>1</sup>:

Մենոզներս, որ բուն ողմեցիներ են և հիանալի պահպանել են մայրենի բարբառը, մյուս ողմեցիների նման հպարտությունով ասում են. «մընք՝ Վանա Շատխա լիզուն կրխասկնանք՝, նարոնք՝ Հուզմա լիզուն չըն խասկնա» (խոսքը վերաբերվում է բուն բարբառին և ոչ թե ծածկալեզվին, որով Ողմի խոսացվածքը բացառիկ տեղ է գրավում հայ բարբառների մեջ): Անշուշտ, ողմեցիների այս ասածի մեջ կա որոշ չափազանցություն, որ գալիս է ինչպես յուրաքանչյուր բարբառը կրողի, այնպես էլ ողմեցու՝ իր բարբառը մյուսներից խիստ տարբեր տեսնելու ձգտումից: Բայց փաստ է այն, որ Ողմի բարբառը մոտ ու հեռու գտնվող բարբառներից զգալիորեն տարբերվում է:

Երբ Ողմի բարբառի հնչյունական ու ձևաբանական իրողություններն ու բառապաշարը համեմատում ենք մեծավաստակ հայագետ Հր. Աճառյանի նկարագրած Վանի բարբառի<sup>2</sup> և բանասիրական գիտությունների թեկնածու Մ. Մուրադյանի շատ արժեքավոր «Շատախի բարբառի»<sup>3</sup> համապատասխան երևույթների հետ, համոզվում ենք, որ Ողմին յուրահատուկ գիրք է գրավում և առանձնանում է մյուսներից իբրև ինքնուրույն բարբառ: Մենք այդ յուրահատկությունները մանրամասնորեն ներկայացնում ենք մեր «Ողմի բարբառը» մենագրական ուսումնասիրության առաջին մասում, իսկ այս հոդվածում՝ բարբառի ձևաբանության մի մասը, որ յուրաքանչյուր հետաքրքրվող համեմատելով Վանի ու Շատախի բարբառների հիշյալ հետազոտությունների համապատասխան երևույթների հետ, հեշտությամբ կտեսնի տարբերություններն ու ընդհանրությունները:

Ողմի բարբառը «ԿԸ» ճյուղի բարբառներից մեկն է: Այդ ճյուղի մյուս բարբառների նման սա ևս սահմանական եղանակի ներկա ժամանակը կազմում է դրաբարի ձևով՝ բալասկզբին ավելացնելով իլը, երբ այն սկսվում է բաղաձայնով (կոուիմ > կըկովիմ, վերանամ > կրվիրանամ) և կ, երբ սկսվում

1 Տե՛ս Ա. Ղարիբյան, Հայ բարբառագիտություն, 1953, էջ 93, Ա. Գրիգորյան, Հայ բարբառագիտության դասընթաց, 1957, էջ 89:

2 Հր. Աճառյան, Քննություն Վանի բարբառի, Երևան, 1952:

3 Մ. Հ. Մուրադյան, Շատախի բարբառը, Երևան, 1952:

է ձայնավորով (եփեմ>կիփիմ, ապրեմ>կապրիմ). Անշուշտ, միշտ չէ, որ բայաձևը լրիվ համապատասխանում է գրաբարին, և բարբառի հնչյունափոխական ու ձևաբանական օրենքներով պայմանավորված՝ նաեւ է գալիս որոշ փոփոխությամբ:

### Կ Ո Յ Ա Կ Ա Ն

#### Հոգնակիի կազմությունը

Ողմի բարբառում տարբեր հոգնակերտ մասնիկներ կան՝ -իւ, -սիւ, -ք || -ք', -տիւ, -քիւ, -քաիւ, -վիւք, -անք || անք, -ինք, -ընք || ճնք, -տար || -տար, -վանք:

Սրանցից տարածվածներն են մի քանիսը:

Միավանկ բառերը, մեծ մասամբ, հոգնակին կազմում են իւ մասնիկով. ինչպես՝ արջ—առճիւ, բահ—պաիւ, գալլ—կ'էլիւ, գետ—կ'իտիւ, գիւղ—կ'ըլ—գիւ, գործ—կործիւ, թուր—թուրիւ, հաց—խացիւ, տուն—տրնիւ, ցաւ—ցավիւ, փոք—փուրիւ և այլն: Սրանցից քուր բառի ունի փոխվելով ր-ի, երբեմն հոգնակին լինում է քըրիւ:

Միավանկ սիրտ բառի հոգնակին կազմվում է նաև նիւ-ով (սրտնիւ):

Իւ-ով հոգնակին լինում է նաև կ'իւլրանք:

Ի-ով վերջացող միավանկ բառերից քի բառը գործածվում է քիյակ, որը ստանալով տիրա մասնիկը դառնում է քիյակտիր: Բայ ևլ բառի հոգնակին լինում է ծիյանք:

Ու-ով վերջացող միավանկ բառերի հոգնակին լինում է իւ մասնիկով, որից առաջ տեղի է ունենում ու>վ հնչյունափոխություն, ինչպես՝ լու—լ'ըլիւ, ձու—ձ'ըլիւ:

Բաղաձայնով վերջացող բաղմավանկ բառերի հոգնակերտ սովորական մասնիկն է նիւ, ինչպես՝ արջառ—աճառնիւ, բոժոժ—պըժոժնիւ, դանակ—տանկընիւ, երես—ըրեսնիւ, կոճակ—կոճկընիւ, չրաղաց—ճէղցընիւ և այլն: Այս կարգի շատ բառեր ունեն տիր, քտիր հոգնակերտ, ինչպես՝ աման—ամանքտիր, բերան—բէրանքտիր, անուն—անունքտիր, ձմերուկ—ձըմէրուկտիր, տախտակ—տախտակտիր, տոպրակ—տոպրակտիր և այլն: Մի շարք բառեր հոգնակի են կազմում և՛ -նիւ, և՛ -տիր կամ -րիւ վերջավորություններ, ինչպես՝ դանակ—տանկընիւ և տ'ընկըտիր, կոճակ—կուճկընիւ և կուճկըտիր, երես—ըրեսնիւ և ըրեսք'իւ և այլն: Վիւ վերջավորությամբ հոգնակի ունեն քոնիւ, խնձուր, կաքաւ և այլ բառեր, որ լինում են՝ քոնիւքիւ, խընձաւքիւ, կաքավքիւ:

Բաղմավանկ այն բառերը, որոնց վերջի հնչյունն է ի, հոգնակին կազմում են մեծ մասամբ ք || ք' մասնիկով. օրինակ՝ ամելի—առժըլէք', կաշի—կաշիք, հայելի—խէլիք', մատանի—մատնիք, ոսկի—ըսկէք', ուսկէք', ուռի—սոէք', յամի—յամէք, քեռի—ք'էռէք:

Այս խմբի բառերից ազի բառի փոխարեն գործածվում է պուչ (<պոչ), որի հոգնակին լինում է պուչնիւ: Աղաւնի բառը ստանալով կ, հոգնակին լինում է աղավնիկնիւ, լաղվընէ—լաղվընէք': Այգի բառի փոխարեն օգտագործվում է հաղար—հաղարք'իւ:

Բանալի բառը վերջում ստանում է ա. և հոգնակին լինում է պալնիս-  
քիր: Ջորի բառի հոգնակին ար՛ մասնակով ունի նույնը՝ ձեր:

Հոգի բառի հոգնակին լինում է երկու ձևով՝ խուլիցի և խուկիք:

Նկատելի է, որ վերջնահնչյուն ի-ն հաճախ հնչյունափոխվում է ե-ի,  
և բառը հոգնակի մասնակ է ստանում. ինչպես՝ ոսկի—ըսկիք, տարի—տա-  
րիք, քեռի—քիռիք և այլն:

Որդի բառը բարբառում սակավ է գործածվում, փոխարինվում է աղա  
բառով, որ լինում է աղղիցի:

Ու ձայնավորով վերջավորվող բազմապատկեր բառերը ունեն -նիք, որից  
առաջ առկա է ու > վ հնչյունափոխությունը. առու—հեռվրնիք, կատու—կատ-  
վընիք: Լեզու բառի հոգնակին է լիզուք:

Ա(յ)-ով վերջավորվող բազմապատկեր բառերի հոգնակին լինում է -ք/ք'-ով.  
ինչպես՝ ակոյ—ակուք, բակլայ—բակլիք, Լրեխայ—լրեխիք, կրեայ—կըր-  
յաք, չուխայ—չուխիք, սատանայ—սատանիք, փեսայ—փեսիք:

Վկայ բառի հոգնակին է վըկանիք, -ք/ք' հոգնակերտից առաջ ունենք  
այ > է հնչյունափոխությունը. ինչպես երևում է վերևի օրինակներից, բացի  
կրեայ բառից, որ մնում է անփոփոխ:

Բարբառում վերջածայն ն ունեցող բառերի բարբառային հոգնակերտ  
մասնակին է իր, որից առաջ աշխարհաբարի մեջ եզակի թվում ընկած ն-ն վե-  
րականջնվում է. գառն—կառնիր, դուռն—տրոնիր, եղն—իզնիր, թոռն—թուռ-  
նիր, ծունկն—ծընգնիր, հարսն—խարսնիր, ձուկն—ծըկնիր, մատն—մատնիր,  
մատք'իր, մուկն—մըկնիր, նուռն—նըռնիր, ոտն—վոտնիր, վուք'իր (ա-ն սա-  
կավ է հնչվում), որդն—ործիր:

Այս կանոնից շեղվում են՝ կամն—կամիր, կուռն—կուռիր, որոնց ն-ն  
չի վերականգնվում:

Մեկուկես վանկ ունեցող բառերի հոգնակին լինում է ն' իր, ն' նիր, ն' ք'իր  
մասնակներով. ինչպես՝ աստղ—աստղնիր, սանտր—սանգրիր, մեղր—մեղրիր,  
ոսկր—ոսկուք'իր:

Ծիպա բառը բարբառում լինում է ճըպուքի, որի էլի բաղադրիչը հավա-  
նաբար սովորական եո (հյութ-եղ, համ-եղ, մս-եղ) ածանցն է ոտ ածանցի  
իմաստով. ստանալով նիր մասնակը, հոգնակին լինում է ճըպուքինիր, նաև  
ճըպուքիք'իր:

Մարմնի զույգ անդամների արտահայտող բառերի հոգնակին միատեսակ  
չի կազմվում. օրինակ՝ աչք—աչկիր (իր), ծունկն—ծընգնիր (նիր), ականջ—  
ականջք'իր (ք'իր), չոնք—ընք'վիր (վիր), ձեռք—ծեռքիր, ծ'եռնիր (իր):

Ընտանիքի, տոհմի, գերդաստանի իմաստ արտահայտող բառերի հոգ-  
նակին կազմում է անք, ինք, օնք/օնք մասնակներով. ինչպես՝ Տավթանք  
(Բավթէնք), Քօսինք (Քոսոնք), Նոշկանք (Նուշիկենք), Մըջօնք, Շէքօնք:

Հավաքական իմաստ արտահայտող բառերը հոգնակի են ունենում մի  
քանի ձևով. օրինակ՝ փշուր > փուշըրվանք (վանք), փըշըրտանք (տանք),  
փըշուրնիր (նիր), փըշուրք'իր:

Մի քանի բառեր, որոնք շատ բարբառներում հոգնակիի սովորական ձե-  
վերից շատ են շեղվում, Ողմի բարբառում հոգնակիի հետևյալ ձև են ունե-  
նում. մարդ—մարտիր (իր), կին, կնիկ—կընկտիր (տիր), քոյր—քուրիր (իր),  
եղբայր—ախպերք'իր (ք'իր), ամբար—ամբըրստար (տար):

Քոյը բառը վերջին բաղադրիչ ունեցող բարդ բառերի հոգնակի թվում -իը վերջավորութեան փոխարեն լինում է -նիը (մօրք'աքնիը)։

Ողմի բարբառի հոգնակի թվի այս նկարագրութունից երևում է, որ՝ ա) հոգնակերտ մասնիկները բավականաչափ շատ են։

բ) Շատ ավելի տարածված են իը, նիը, քիը, քիը, քիը /քիը։

գ) Հոգնակերտ մասնիկները, որոշ բացառությամբ, օրինաչափ գործածութուն ունեն և պայմանավորված են վանկաքանակով (միավանկ, բաղամիականկ), բառերի արտահայտած նշանակությամբ (ինչ իմաստ են արտահայտում), վերջնահնչյունի որակով (ու վերջավորվող և ի-ով բառեր) և այլն։

գ) Մի քանի մասնիկներ կաղմութեամբ բաղադրվալ են (տ+իը, ք+իը, վ+իը, թ(<տ)+ան ք և այլն), որոնցից միայն վերջին հոգնակերտ բաղադրիչն է արտահայտում հոգնակի թվի իմաստ, դրանից առաջ եղած մյուս մասնիկները մասնական ընթացքում կորցրել են այդ իմաստը։

և) Հոգնակերտ մասնիկի ավելացմամբ տեղի է ունենում բառամիջի ձայնավորների հնչյունափոխութուն (ի>է, ու>վ, ալ>է, ո>ու և այլն)։

#### Հ ո լ ո Վ ու մ

Ինչպես կը ճշուղի բոլոր բարբառները, Ողմին ևս ունի 6 հոլով՝ ուղ-դական, սեռական, տրական, շալցական, բացառական և գործիական։ Ձկա ներգոյական հոլով, դրա իմաստն արտահայտվում է սեռական հոլովով և մըչ, մեչ կապով։

Ուղղական հոլովը բառի ուղիղ ձևը լինելով, գործածվում է և անորոշ առումով, և՛ որոշվալ։ Առաջին դեպքում բառը կարող է անորոշ հոգ ընդունել կամ ոչ մի հոգ էլ չընդունել, իբրև անորոշ հոգ հանդես է գալիս մե-ն։

Անորոշ քօխք ընգավ (թուղթ ընկավ), մե քօխք ընգավ (մի՛ անորոշ, քուղք ընկավ), տըղա էկավ, մե տըղա էկավ։

Որոշվալ առման դեպքում ուղղականը ստանում է որոշիչ հոգ, երբ բառը վերջանում է ձայնավորով։ Այս պարագայում հոգը լինում է ն-ն։

Էսա ծիւն թօխ ա (այս ձիւն թուխ է), մէ փեւեւն կ'էրթա (մեր փեսան գնում է)։

Բաղաձայնով վերջացող բառերը սովորաբար որոշիչ հոգ չեն ընդունում, ինչպես Վանի բարբառը. ընու խիը, մեը էկէն (նրա հայրը, մայրը եկան), անունց իւրիը, մեըիը էկէն (նրանց հայրերը, մայրերը եկան)։

Հոգ չեն ընդունում նաև հատուկ անունները (անձնանունները, տեղանունները), ինչպես՝ Կարապիտ կ'էրթա, ախպիը կը կ'ա (Կարապետը գնում է, եղբայրը գալիս է), Վան քաղաք ա, Հուվեմ կ'էղ ա (Վանը քաղաք է, Ողմը գլուղ է), Ամքօ մըկա լէ կա (Ամրոն այժմ էլ կա՝ ապրում է)։

Սեռական հոլովը նայած թե գոյականները ինչ հնչյունով են վերջանում կամ ինչ են ցույց տալիս, հոլովական տարբեր վերջավորութուններ ունեն։ Սեռականի վերջավորութուններն են՝ ի, ու//ւ, ա//ա, ան//ան, վան, օր, ուչ, իը, օ։

Սեռական հոլովով բառերը հոգ չեն ընդունում։

Տրական հոլովը ընդհանուր առմամբ նման է սեռականին, միևնույն վերջավորութունները նաև տրական հոլովի մեջ են հանդես գալիս։ Տրական հոլովը, սակայն, տարբերվում է սեռականից, այդ տարբերութունը հանդես է

գալիս, երբ գոյականը գործածվում է որոշյալ առումով, այս դեպքում սեռականի հոլովածին ավելանում է որոշիչ հոդ. ինչպես՝ ձի տըվին մալրու, ձի տըվին էսա մալրուն:

Հայցական հոլովը որոշ առանձնահատկություններ ունի, որոշյալ առման դեպքում սովորաբար հոդ չի ստանում, անձի անունները ձևով հաճախ նման են տրականին. որոշյալ հայցականը երբեմն ստանում է ըզ(զ) նախդիրը. օրինակ՝ ծ'օն սըլալա (ձյունը մաքրիր): օրաք' պի (ուրազը բեր), ըմ ախալօր կուշիմ (իմ եղբորը սիրում եմ), իս (ըս) տեսա Հազիմ, Վան (ես տեսել եմ Ողմը, Վանը), ախպէր ուրախ կը տըրիա (եղբայրը ծնծում է քրոջը), էկէն փախցուցին ըզձը (եկան փախցրին ինձ): Բայց նաև՝ ուսկէն իպի (ոսկին բերեց), որտեղ հոդ է ընդունել որոշյալ հայցականը. կամ՝ տօ՞ կը սիրես զ'ախնէկ (դու սիրում ես (այն) աղջկան), որի մեջ անձի անունը հայցականում նման է ուղղականին:

Բացառական հոլովի սովորական վերջավորությունն է են. ինչպես՝ մօրեկ, կ'ըրք'են (դքից), սարեկ, ք'ուրաշեն (քրոջից), կուտուշք'իլեկ (կոտոշներից): Բացի սրանից, ոչ քիչ դեպքում բացառական է կազմվում ից, ուց, օց վերջավորությամբ. ինչպես Վանի բարբառի մեջ է. ալսպես՝ կա յնրմքնգ'են և յնրմքնգ'ից, մըռնմքն և մըռնմուց, կ'եանից, ախալօրից, ախպէրք'իրօց և այլն:

Անձնանունները ունեն բացառականի մի ուրիշ ձև ևս՝ մեկնե բառամասնիկով, որը դրվում է սեռական հոլովածևի վրա. ինչպես՝ խօրեկ և խօր մեկնե (հորից), կընգ'ամեկ և կընգ'ան մեկնե (կնոջից), ախրաշեն և ախրաշ մեկնե (տիրոջից):

Բացառականի այս վերջավորությունները առկա են նաև հոգնակի թվում. ուսկըռնիթեկ (ոսկորներից), կ'ըղլրանք'են (գլուղներից), մըռնիմք'իլեկ և մըռնիմք'իլուց, ք'եռեցեկ և ք'եռեց մեկնե և այլն:

Գործիական հոլովի վերջավորությունն է օվ//օվ. օրինակ՝ խոսցօվ, ծըթթօվ, ճ'օրօվ, Վանօվ, հաովընէրօվ, կ'ըղլրանք'օվ (հացօվ, ձեթօվ, ջրօվ, Վանօվ, առուններօվ, գլուղներօվ): Գործիական հոլովի մի այլ ձև է վե բառամասնիկով բաղադրյալ ձևը, այս բառամասնիկը դրվում է ուղղական ձևի վրա, վերջադաս. ինչպես՝ սար վե, կ'ըղլրանք վե, պատ վե (սարով, գլուղներով, պատով): Բերված օրինակներից երևում է, որ վե բառամասնիկը մեծ մասամբ գործածվում է տեղ, տարածություն արտահայտող կամ որպես ալգայիսին միտածվող գոյականների հետ:

Ներգոյական հոլովը չկա Ողմի բարբառում, ինչպես այն չկա կը ճյուղին պատկանող բոլոր բարբառներում: Դրա իմաստը արտահայտվում է մի քանի ձևով.

ա) Սեռական հոլովով մեկ կամ մըշ կապով, ըստ որում առաջին դեպքում մեկ-ը լինում է ետադաս, իսկ երկրորդ դեպքում մըշ-ը նախադաս. ինչպես՝ տան մեկ և մըշ տան:

բ) Հայցական հոլովով և ինի ետադրությամբ. խօ՞նգ' ինի (խնկի մեջ), կըծիլ ինի (կժերի մեջ):

գ) Սեռական հոլովածևով. Շուշիկ Քավառա լա (Շուշիկը Քավառում է):

դ) Հայցական հոլովածևով. հուղէմ վըրվակ չը կէր. թաղիս կէր (Ողմում վերմակ չկար, թաղիք կար): Հուգէմ կըրիվ չիլէլ (Ողմում կռիվ չի եղել), էն քաղաք է (նա քաղաքում է):

և) Բացառականի վի. բառ-մասնիկը նաև ներգոյականի իմաստ է արտահայտում հայցականի հետ. ինչպես՝ մօ՞ւլի վի. (մխի մեջ, մխում)։

Այս ամենից ավելի տարածված է առաջին ձևը։

### Հ ո լ ո վ ու մ ն ե ռ

Ինչպես արդեն ասել ենք, գոյականները ենթարկվում են տարբեր հոլովման։ Այժմ քննենք դրանցից յուրաքանչյուրը առանձին։

#### Առաջին հոլովում՝ ի

Այս հոլովման վերջավորություններն են՝ սեռական և տրական -ի, բացառական ևն, ից, գործիական օվ//օվ։

Հոգնակի սեռական-տրականը լինում է ի, ու, բացառականը էն, ից, ուց, գործիականը օվ/'օվ, օրինակ՝

|      |       |          |         |            |
|------|-------|----------|---------|------------|
| Ուղ, | ճօղ   | ճըղիւր   | մարթ    | մարթիւր    |
| Մ.   | ճըղի  | ճըղիւրի  | մարթի   | մարթիւրի   |
| Տ.   | ճըղի  | ճըղիւրի  | մարթի   | մարթիւրի   |
| Հ.   | ճօղ   | ճըղիւր   | մարթ(ի) | մարթիւր(ի) |
| Բ.   | ճըղէն | ճըղիւրէն | մարթէն  | մարթիւրէն  |
| Գ.   | ճըղօվ | ճըղիւրօվ | մարթօվ  | մարթիւրօվ  |

Այսպես են հոլովվում մեծ թվով գոյականներ. ինչպես՝

ա) ազգ>ասկ, աթոռ>աթոռու, ականջ>ականջ, աղ>աղ, աղբ>ախպ, աղբիւր>հախպուր, աղուն>աղուն, աղքատ>ախկատ, ամպ>ամբ, անէծք>անէսկ, անիծ>անիծ, անձրև>անձրէվ, աշակերտ>աշկէրտ, աստղ>աստըխ, արիւն>էրուն, արմուկն>լերմօնդ։

բ) Կենդանիների և թռչունների անունները. ինչպես՝ աղուէս>աղվէս, ալծ>լէծ, արծիվ>առծիվ, խոզ>խօզ.

|                   |                 |
|-------------------|-----------------|
| ոչխար>օխճար       | քուռեակ>ք'օռակ  |
| աղաւնեակ>լէղվընիկ | օձ>օձօց         |
| արջ>առճ           | դոմէշ>կ'օմէշ    |
| մրջիմն>մըռճիմ     | արջառ>աճառ      |
| ուլ>օուլ          | կռունկ>կըռօունգ |

գ) Ու-ով վերջացող մի քանի բառեր. ինչպես՝ լու>լ'ու, լըվի, լըվից, լըվէն, լըվօվ. ձու>ձ'ու, ծ'ըվի, ծ'ըվից, ծ'ըվօվ։

Բրու և կծու բառերը, որ բարբառում լինում են թըրօ և կըծօ, եզակի սեռականում ունենում են ա վերջավորություն՝ թըրվա, կըծվա. ըստ որում ու>օ-ից առաջ տեղի է ունենում ու>օ>վ հնչյունափոխութուն։

Լեզու>լիզու բառի սեռականը ունի -ը հոլովիչը, որ երբեմն հանդես է գալիս նաև ալլ բառերում։

դ) Ենթակայական դերբայը, ինչպես՝ եփող—էփօղ, խմող—խըմ'օղ, լիւող—լիզօղ, գրել—կ'ըրծղ, դիմանալ—տ'իմացօղ, լցնել—լ'ըցծղ, խմեցնել—խըմցօղ, երևալ—լէրէվ(ա)ցօղ, լալ—լանցծղ, վաճալ—վըլացօղ, մոռանալ—մօռցօղ, նստել—նըստօղ, ուտել—կէրօղ, սիրել—սիրօղ, փափկիլ—փափկ'օղ։

ե) Ուղղականում — ութիւն > ութէն-ով վերջացող բառերը. բարեկամու-  
թիւն > պէրէկամութէն, գէշութիւն > կ'էշութէն, խաչելութիւն > խաչէլութէն,  
հարսնութիւն > խարսնութէն, մարդութիւն > մարթութէն, ուրախութիւն > հու-  
րախութէն:

զ) Փոխառյալ բառերը. ինչպէս՝  
դուշման > դուշման, դուշմ(ա)նի,  
իշտահ > իշտահ, իշտահի:

#### Երկրորդ հոլովում՝ ու//ու

Այս հոլովման վերջավորություններն են՝ սեռ. ու//ու, տրկ. ու//ու, բաց-  
էն, ուց. ուց, գործ. օվ/ օվ:

Հոգնակի սեռ. ու//ու, տրկ. ու//ու, բաց. ուց//ուց, էն, գործ. օվ//օվ:

Այս հոլովման ենթարկվում են՝

ա) Ուղղականում ի-ով վերջացող բառերը. ինչպէս՝ գարի > կ'արի, գինի  
> կ'ինի, ոսկի > օսկի, քամի > ք'ամի, հոգի > խօզ'ի, որբկայրի > ուրփւղէրի,  
խնամի > խընամէի, մաքի > մաքէի, ջորի > ճարէի, քենի > ք'էնի, քեռի > ք'էռի,  
հալելի > խէլլի, ձի > ծ'ի:

Այս կարգի բառերից կաշի բառի սեռականը ունի ի վերջավորություն,  
որով և ուղղականն ու սեռականը իրար նման են՝ կաշի (կաշի կըսուի):  
Նույնն է նաև ուռի բառը (օռի ճուղ): Սամի բառի սեռականը լինում է սամր  
(սամր ծէր):

բ) ա(ւ)-ով վերջացող բառերը. երեսայ > լէրէխա, լէրէխու, -ուց, -օվ,  
ճամփայ > ճամփախ, չուխայ > չօխա, վկայ > վըկա, սատանայ > սատանա, հի-  
նայ > խինա:

Տղայ և փեսայ բառերի սեռականը ա-ով է վերջանում. տղա անուն,  
փեսա անուն (տղայի անունը, փեսայի անունը):

Բաղլայ բառը գործածական չէ:

գ) Անորոշ դերբայը. ասել > ասիլ, ասիլու, եփել > էփիլ, էփիլու, ներկել >  
նէրկիլ, նէրկիլու, ուտել > ուտիլ, ուտիլու և այլն:

դ) Տարբեր գոյականները. ինչպէս՝ ծով > ծօուվ, ծօուվու, ջուր > ճօուր,  
ճօուրու, լուսնակ > լուսնակ, լուսնըկու, գլուխ > կ'ըլօուխ, կ'ըլօուխու, հայ > խայ  
խայու, աստուած > աստւիած, աստըծու, կորեակ > կուրիկ, կուրկու, ճնճղուկ >  
ճընջըղուկ, ճընջըղկու, մասուր > մասուր, մասուրու, մրջիւն > մըռճիմ, մըռճը-  
մու, ուլունք > ուլնիք, ուլնիքու, պորտ > պուրտ, պուրտու, երեց > էրէց, իրի-  
ցու, վարժապետ > վարժապիտ, վարժապիտու, գող > կ'օղ, կ'օղու, ժամ > ժամ,  
ժամու, կոիւ > կուլվ, կըռվու, հող > խուղ, խուղու, մարդ > մարտ, մարտու,  
շերեփ > շիրիփ, շիրիփու, սով > սօվ, սօվու, ահ > ախ, ախու, ձի > ծէի, ծիլու:

#### Երրորդ հոլովում՝ վան

Վան (<ու + ան) հոլովման վերջավորություններն են՝ եզակի սեռ. վան,  
տրկ. վան, բաց. -ից, -ուց, -էն, գործ. օվ/ օվ:

|     |           |              |
|-----|-----------|--------------|
| Ու. | ամէ'ս     | ամըսք'իր     |
| Ս.  | ամէ'սվան  | ամըսք'իրու   |
| Տ.  | ամէ'սվան  | ամսք'իրու    |
| Հ.  | (զ)ամէ'ս. | (զ)ամըսք'իր. |

|    |                  |              |
|----|------------------|--------------|
| Բ. | ամէ՛սվընէ        | ամբո՛ք'իւնէն |
|    | ամսուց, ամսվանից |              |
| Բ. | ամէ՛սով          | ամբ ո՛ք'իւով |

Վան հոլովման ենթարկվում են՝

ա) ժամանակ ցույց տվող բառերը. ինչպես՝ գիշեր > քիշիր, երեկոյ > հիրկուն, երեկ > հէրէկ, գատիկ > գատէ՛գ, կիւրակէ > կ'ըրակէ, շաբաթ > շաբաթ, ուրբաթ > օրվաթ, տարի > տարէն, ցերեկ > ց'էրէկ, օր > օր, ձմեռ > ծ'ըմէռ, ամառ > ամառ, կ'արուն (<գարուն) և աշուն (<աշուն) լինում են կ'արնան, աշնան, իսկ ժամ (<ժամ) բառը՝ ժամը:

բ) Ման և քունի բառերը. մախ — մախվան (հաճախ հնչյունների դրամաթիւսի գործածվում է իսկվան). թոնիր > թուն'իր, թուրվա (ախտեղ ընկել է վերջի ն-ն):

Չորրորդ հոլովում՝ ան/ան

Այս հոլովման պատկանող բառերը ունեն հետևյալ վերջավորութիւնները՝ եզակի սեռ. ան/ան, արկ. ան/ան, բաց. են, ից, գործ. օվ/օվ:

Ան/ան հոլովման ենթարկվում են մի քանի կարգի բառեր.

ա) Դրաբարում և հանգ ունեցող աներքին թեքման մի շարք բառեր. բուն > պոն, պրուն, գառն > կ'առ, կ'առան, դուն > տ'ուն, տ'րան, կուն > կ'ուն, կըռան, ձուկն > ծ'ուկ, ծըկան, նուն > նոն, նըռան, մուկն > մ'ուկրն, մըկան, ասեղն > ասէ՛ղ, ըսղան:

Հոլովման պատկերը հետևյալն է.

|     |              |                     |
|-----|--------------|---------------------|
| Ու. | մ'ուկըն      | մըկնիր              |
| Ս.  | մըկան        | մըկնիրու            |
| Տ.  | մըկան        | մըկնիրու            |
| Հ.  | (դ)մ'ուկըն   | (դ)մըկնիր           |
| Բ.  | մըկէն, մըկից | մըկնիրէն, մըկնիրուց |
| Գ.  | մըկօվ        | մըկնիրօվ            |

բ) Ուղղականում ու-ով վերջացող բառեր. ինչպես՝ տուն > տ'ուն, տան, շուն > շ'ուն, շան, անուն > անուն, ընվան, աշուն > աշ'ուն, աշնան, գարուն > կ'արուն, կ'արնան, մածօն (<մածուն) բառը լինում է մածընի:

գ) Մի շարք ալ կարգի բառեր. ինչպես՝ աղջիկ > ախճէ՛գ, ախճրկան, ալը > իրիկ, հիրկան, կին > կրնիկ, կրնգան, հորթ > հուրթէ՛գ, հուրթկան, սեամ > սիմք', սիմքան, գիրկ > կ'իրկ, կ'ըրկան, սին > ս'ուն, սըլան, ձին > ծ'ուն, ծիլան, ժամտուն > ժամտուն, ժամտան:

Հինգերորդ հոլովում՝ օր

Այս հոլովման վերջավորութիւններն են՝

Եզակի — սեռ. օր, տրկ. օր, բցո. ևն, ից, գործ. օվ/օվ.

Հոգն. — սեռ. ու, տրկ. ու, օն, բցո. օց, ից, (մ)էն, գործ. օվ/օվ

Հոլովման պատկերը հետևյալն է.

|     |     |         |        |              |
|-----|-----|---------|--------|--------------|
| Ու. | խէր | խէրիր   | ախպէ՛ր | ախպէ՛րք'իր   |
| Ս.  | խօր | խէրիրու | ախպօր  | ախպէ՛րք'իրու |

|    |          |                  |              |                   |
|----|----------|------------------|--------------|-------------------|
| Տ. | խօր      | խէրիրու, խէրիրօն | ախաօր        | ախաէ'րք'իրու      |
| Հ. | (րզ)խօր, | (րզ)խէրիր,       | (դ) ախաօր    | (դ) ախաէ'րք'իրու, |
|    | (րզ)խէր  | (րզ) խէրիրու(օն) | ախաէր        | (դ)ախաէ'րք'իր     |
| Բ. | խօրէն,   | խէրիրօց          | ախաօրմէն, ից | ախաէ'րք'իրօց      |
|    | խօրից    |                  |              |                   |
| Գ. | խօրով    | խէրիրով          | ախաօրմօվ     | ախաէ'րք'էրօվ      |

Այս հոլովման ենթարկվում են ուղղական այլ > իր վերջավորվող բառերը, որոնք ազգակցական կապ են արտահայտում. մայր > մէ'ր, մօր, եղբայր > ախաէ'ր, ախաօր, սանահայր > սանախէ'ր, սանախօր, հորեղբայր > խօրօխաէ'ր, խօրօխաօր, սանամայր > սանամէ'ր, սանամօր:

### Վեցերորդ հոլովում՝ ուշ//ուշ

Այս հոլովման վերջավորութիւններն են՝

Եզակի — սեռ. ուշ//ուշ, տրկ. ուշ//ուշ, բցո. էն, ից, գործ. օվ//օվ

Հոգն. — ս. տ. ու, ուց//ուց, տրկ. ու, ուց//ուց, բցո. էն, ուց//ուց, գործ. օվ//օվ.

|     |                     |                            |
|-----|---------------------|----------------------------|
| Ու. | ք'ուր               | ք'ըվուրք'իր, ք'ուրիր       |
| Ս.  | ք'ուրուշ            | ք'ըվուրք'իրու, ք'ուրիւց    |
| Տ.  | ք'ուրուշ            | ք'ըվուրք'իրու, ք'ուրուց    |
| Հ.  | (ըզ)ք'ուրուշ,       | (ըզ)ք'ըվուրք'իր (ու)       |
|     | (րզ)ք'ուր           |                            |
| Բ.  | ք'ուրուշէն, ք'ուրից | ք'ըվուրք'իրէն, ք'ուրուրուց |
| Գ.  | ք'ուրուշով          | ք'ըվուրք'իրով, ք'ըվուրք'օվ |

Այս հոլովման տակ են անցնում ազգականութիւն ցույց տվող հետևյալ բառերը՝ աներ > անիր, անիրուշ, ընկեր > ընգ'իր, ընգ'իրուշ, կնքաւոր > ք'օուր, ք'օուրի, տանտիկին > տանտրէն, տանտրէնուշ, տէր > տէ'ր, տիրուշ, քենի > ք'էնի, ք'էնուշ, քոյր > ք'ուր, ք'ուրուշ, տանտէր > տանտէ'ր, տանտըրուշ:

Տեք'եր (<տալգր) և սկեւ'ուր (<սկեսուր) բառերի սեռականը ունի իր (<որ) վերջավորութիւն՝ տեկիր տօն, սկեւիր տրդա (տեքոր տուն, կեսուրի տղան): Տալ'վ (<տալ) բառը պատկանում է ի հոլովման. տալի տօն:

### Յոթերորդ հոլովում՝ ա//ա

Այս հոլովման վերջավորութիւններն են՝

Եզակի — սեռ. ա//ա, տրկ. ա//ա, բցո. ա//ա, ից, գործ. օվ//օվ, է,

Հոգն. — սեռ. ու//ու, տրկ. ու//ու, բցո. ից, է, գործ. օվ//օվ

|     |              |           |                 |
|-----|--------------|-----------|-----------------|
| Ու. | Վան          | տատրէկ    | տատրէկտիր       |
| Ս.  | Վանս         | տատկա     | տատրէկտիրու     |
| Տ.  | Վանա         | տատկա     | տատրէկտիրու     |
| Հ.  | (րզ)Վան      | (րզ)տատկա | (րզ)տատրէկտիրու |
| Բ.  | Վանա, Վանից  | տատկէ     | տատրէկտիրէ      |
| Գ.  | Վանով, Վանվէ | տատկով    | տատրէկտիրով     |

Այս հոլովման ենթարկվում են՝

ա) Տեղանունները. ինչպես՝ Բաքու > Բաքու, Բաքվա, Երևան > Հէրէվան, Հէրէվա, Հէրվանա, Խլաթ > Խրլաթ, Խըլաթա, Ողմ < Հուգ'էմ, Հուգ'մա, Վա-

բազ > վարս, վարաք, վան > վան, վանա, Ղարս > կարս, կարսա, Սասուն > Սասուն, Սասմա, նարեկ > նարեկ, նարեկա:

Շատախի տեղանվան սեռականը լինում է Շաախու, իսկ Մուքս (<Մոկս) - ինը՝ Մուկաց:

բ) Ուղղական հոլովում իվ-ով վերջացող բառերը. ինչպես՝ կատիկ > կատրեկ, կատկա, պապիկ > պապրեկ, պապկա, մամիկ > մամրեկ, մամկա, տատիկ > տատրեկ, տատկա:

գ) Մի քանի բառեր և անձնանուններ. ինչպես՝ տղա > տրդէն, տրդա, փեսայ > փէսէն, փէսա, Սրշակ > Սրշակ, Սրշակա, Սկետիս > Սկրէտէս, Սկէտսա, Սոսրով > Սոսրո, Սոսրվա:

#### Ուրերորդ հոլովում՝ օ

Եզակի — սեռ. օ, տրկ. օ, բցռ. մէնէ, (բառ-մասնիկ) գործ. օվ/օվ.

Այս հոլովման պատկերն է.

|             |              |
|-------------|--------------|
| Ու. Բօգօ    | Հ. Բօգօ(-ն)  |
| Ս. Բօգօ     | Բ. Բօգօ մէնէ |
| Տ. Բօգօ(-ն) | Գ. Բօգօյօվ   |

Ո հոլովման ենթարկվում են՝

ա) Ո-ով վերջացող կրճատ անձնանունները, որով իրար նման են ուղղականը և սեռականը.

Հակօ (<Հակովբ), Հակօ, Մըկօ (Մկրտիչ), Մըկօ, Կըրտօ (Մկրտիչ),

Կըրտօ, Ջաքօ (Ջաքար), Ջաքօ, Հարօ (Հարություն), Հարօ,

Համբօ (Համբարձում), Համբօ:

բ) Որտեղացի ցույց տվող բառերը. ինչպես՝ աշտարակցի > հաշտարակցի, հաշտարակցօ, երեսնցի > հէրէվանցի, հէրէվանցօ, ողմեցի > վօղըմցի, վօղըմցըրօ:

Մի քանի նման բառեր սեռականում ունեն ի հոլովիչ. ինչպես՝

դարարակցի > կարարակցի, կարարակցըրի, վանեցր > վանըցի, վանըցերի,

վանըցուց, վանըցով, շատախցի > շատըխցի, շատախցիրի:

Մոկացի (<մոկացի) բառի սեռականը լինում է մոկացուց:

#### Իններորդ հոլովում՝ կա

Այս հոլովման վերջավորություններն են՝

Եզակի — սեռ. կա, տրկ. կա, բցռ. մէնէ, (բառ-մասնիկ) գործ. օվ/օվ.

|            |               |
|------------|---------------|
| Ու. Հակօփ  | Հ. Հակօփ      |
| Ս. Հակօփկա | Բ. Հակօփ մէնէ |
| Տ. Հակօփկա | Գ. Հակօփով    |

Կա հոլովման են ենթարկվում մի շարք անձնանուններ. օրինակ՝

Դավիթ > Տավըէկ, Տավկա, Հակոբ > Հակօփ, Հակօփկա,

Մարգարիտ > Մարկըրըտ, Մարկըրտկա, Մուրադ > Մուրադ, Մըրուդկա,

Պետրոս > Պէտրուս, Պէտրուսկա, Պողոս > Պուղուս, Պուղուսկա,

Սոսրով > Սոսրով, Սոսրովկա, Կարապետ > Կարապիտ, Կարապըտկա,

Դրիգոր > Կըրուկուր, Կըրուկուրկա, Մարգար > Մարքար, Մարքարկա,

Անուշ > Անուշ, Անուշկա, Հուսիկ > Հուսիկ, Հուսկա:

## Տասներորդ հոլովում՝ Ը

Այս հոլովման սևականն ունի ը վերջավորություն, բացառական ից, գործ. օվ օվ. Լեզու > լիզու, լեզվը, լեզվից, -էն, լեզվով, սամի > սամի, սամը, սամից, սամով, հարսն > խարս, խարսը, -ից, -ով, ժամ > ժամ, ժամը, աղեղն > անէղ, անըղը, ակն > ակ, ակը, ծիրտ > ծէրտ, ծէրտը, կծիկ > կրծէգ, կրծկը, ուղեղ > ըղէղ, ըղըղը, տիկ > տիկ > տէկ, տըկը, գիկ (աքլոր), գիկը:

## Տասնմեկերորդ հոլովում՝ ց

Այս հոլովման պատկանող բառերը չունեն եզակի թիվ, գործածվում են միայն հոգնակի: Հոգն. ուղղականում ունեն -ք վերջավորություն, որից առաջ՝ քն, ան, օն, որ լինում է քնք, անք, օնք: Սևո. ց, տրկ. ց, բցո. ից, գործ. օվ, Նուշիկէնք - նօշկանց, մըշօնք - մըշօնց, Տավրէթ - Տավթանց, Հակ֊օփէնք - Հակ֊օփէնց:

## Գրաբարյան հոլովաններ

Գան ոչ մեծ քանակությամբ բառեր, որոնք բացի այս կամ այն սովորական հոլովման ենթարկվելուց, ունեն նաև գրաբարյան հոլովածն: Երանցից են՝ էլ (օտար մարդ), էլօց (<ալլ. ալլոց), աչք - աչիչ, ատամ - ատման (և ատամի), խելք - խէլաց (և խէլքի), խօսք - խօսաց (և խօսկու), ծէ՛ո - ծէոաց (և ծէոքի), մէչկ - մէճաց (և մէճկի), միտք - մըտաց, վ֊օտն - վ֊օտաց, կամք - կամաց, փառք - փառաց (փառքի), վանք՝ - վանից (և վանքի), օր - ավուր (և օրվա, օրվան):

## Ա Ծ Ա Կ Ա Ն

Ողմի բարբառում երկու տեսակի ածականները (որակական, հարաբերական) խոսքի մեջ շարադասվում են գոյականից առաջ և չեն համաձայնում նրա հետ ոչ թվով, ոչ հոլովով. օրինակ՝

տ՛ալար ճօղ, տ՛ալար ճըղիլ, տ՛ալար ճըղէն, տ՛ալար ճըղիքէն և այլն:

## Համեմատության աստիճանները

Ածականի համեմատության աստիճանները երեք են՝ դրական, բաղդատական, գերադրական:

Բաղդատական աստիճանը կազմվում է՝

ա) Համեմատելի առարկան բացառական հոլովով, իսկ ածականը դրական աստիճանով գործածվելու միջոցով.

Ինչպես՝ լմ խէր քու խօրքն ճուշ ա (իմ հայրը քո հորից մեծ է):

բ) ուղղական հոլովով համեմատելի առարկայի վրա ք՛անց, չլնց (<քանդ) գործածվելով. ինչպես՝

ըմ տըղէն ք՛անց քու ախէ՛գ՝ ճուշ ա.

մէ բաղ չընց ծիր բաղ լէն ա:

Ուռնց ածականի, երկու կամ ավելի գոյականների հետ ք՛անց կապը արտահայտում է սոսկ համեմատող և համեմատող առարկաների՝ իրար նկատմամբ ունեցած նմանությունը. ինչպես՝ ախէ՛գ՝ ք՛անց լ՛օսնակ, մէր ք՛անց արիվ (աղջիկը՝ ինչպես լուսին, մայրը՝ ինչպես արև):

գ) Բաղդատական աստիճանի իմաստը սաստկացնելու նպատակով հիշալ ձևերին ավելանում է հալլըլի (<ավելի) կամ դըհա փոխառալ (թուրքերենից) բառը. օրինակ՝ էսա կ'ըէղ էնա կ'ըէղէն հալլըլի (դոհա) մէնձ ա (այս գլուղը այն գլուղից ավելի մեծ է):

Իմաստի սաստկացման նպատակին է ծառայում նաև շատ բառը. օրինակ՝ շատ օրախ տըղէ՛քտիր, շատ հէրկէ՛ն կ'իտ (շատ ուրախ տղաներ, շատ երկար դետ):

Դերադրական աստիճանի կազմության երկու միջոց կա՝

ա) համմէնէն բառը ածականից առաջ գործածելու. ինչպես՝

համմէնէն ճուշ տըղէն կ'էթա (ամենամեծ տղան գնում է).

համմէնէն ծուռ, համմէնէն խամօլ և այլն:

բ) Ածականը կրկնելու, ըստ որում կրկնվող ածականը ուղիղ ձև է ունենում, իսկ դրա նախորդ ածականը գործածվում է գոյականաբար և ունենում է հոգնակի բացառականի կամ սեռականի ձև. ինչպես՝ ծուռերու ծուռ (ամենագիժ), խորօտք'իրեն խորօտ (ամենագեղեցիկ) և այլն:

Ածականը հոլովվում է, երբ գոյականաբար է գործածվում: Այս դեպքում ենթարկվում է մեծ մասամբ ի հոլովման.

լավ—լավ, լավի, պինդ—պէնդ, պ'էնդի, պընդի.

գեշ—կ'էշ, կ'էշի, հաստ—խաստ, խաստի և այլն:

#### ԹՎ ԱԿԱՆ

Քանակական թվականներն են՝ 1 մէկ, 2 լէրկո, 3 լիրէք', 4 չուրս, 5 իւէնգ', 6 վից, 7 լօթ, 8 օթ, 9 էն, 10 տաս, 20 քիսան, 30 լէոսօն, 40 քաոսօն, 50 հէսօն, 60 վաթսօն, 70 լօթանասուն, 80 ութանասուն, 90 իներսօն, 100 խարիր, 1000 խազար, 1000,000 մըլլօն:

Բարդ թվականները կազմվում են՝

ա) Տասնավորներին միավորների պարզ կցումով. ինչպես՝ 11 տըսընմէկ, 14 տըսընչուրս, 15 տըսընխէնգ' և այլն:

բ) Տասնավորների ու բաղաձայնով սկսվող միավորների միջև ընդմիջումով. ինչպես՝ 21 քըսանըմէկ, 27 քըսանըլօթ, 41 քաոսօնըմէկ և այլն:

գ) Տասնավորի և ձայնավորով սկսվող թվականի միջև Վ բաղաձայնի ավելացումով. ինչպես՝ 12 տըսըվէրկո, 13 տըսըվիրէք', բայց՝ 72 լօթանասունլէրկո:

Քանակական թվականները գոյականաբար գործածվելիս հոլովվում են՝ ենթարկվելով ի հոլովման.

1. մէկ, մէկի, մէկից, մէկով, 2. լէրկո, լէրկօսի, 3. լիրէք', լիրէք'ի, 4. չուրս, չուրսի, չուրսից, չուրսով և այլն: 20. քիսան, քիսանի, 30. լէոսօն, լէոսօնի, 100. խարիր, խարիրի:

Բարդ թվականների կազմության և հոլովման ժամանակ տեղի է ունենում հնչյունափոխություն:

Տաս (<տասն) թվականը երբ միանում է բաղաձայնով սկսվող միավորի, դառնում է տըսըն (տըսընխէնգ'). իսկ ձայնավորով սկսվող միավորին կցվելիս՝ տըսը (տըսըվիրէք'):

Քսանից հետո եկող տասնավորները սովորաբար չեն գործածվում, դրա համար հիմք է ընդունվում քսանը և ավելացվում տասնավորը կամ բազմապատկվում քսանը: Այսպես՝ քիսան և տաս (30), լէրկօ քիսան (40), չուրս քի-

սան (80) և ավելի: Սրանց ավելանում են նաև միավորները, օրինակ՝ լէրկ քիսան ու խէ՛նգ (45), լիւրէք՝ քիսան ու չուրս (64) և ավելի:

Դասական թվականներ Ողմի բարբառում չկան:

Բաշխական թվականները կազմվում են քանակական թվականների կրկնութեամբ. ինչպես՝ մեկ-մեկ, յերկօ-յերկօ, յիրեք՝-յիրեք՝, չուրս-չուրս, վից-վից, տաս-տաս և ավելի:

Զափական թվականները կազմվում են -նոց մասնիկով, որը դրվում է քանակական թվականի վրա. ինչպես՝ մեկնոց, յիրեք՛նոց, տասնոց և ավելի: